

cultus Dei exhibendus, consequenter ad dispensandum vel commutandum solus sufficit Dei, & Prælatorum ejus vices gerentium consensus, uti in aliis votis. Accedit, quod in tali voto honor & cultus Dei sit finis principalis, utilitas tertii verò solum secundarius, si tempore major Dei cultus ex Dispensatione vel Commutatione voti confurgit; ergo hic propter illum cedere debet, ut accessorius, prout fit, si fiat Commutatio, ut magis egens sustentetur, vel Ecclesia magis indigens ornatur. Aliud foret, si votum seu promissio fieret simul tertio & Deo, uti bene advertit Sanchez lo. cit. n. 18. Reliqua de votis vide apud Theologos jam citatos, præsertim Sanchez toto lib. 4. Moral. per totum in 56. Disputationibus consistente, ubi nihil intactum relinquit, Sporer tr. 3. in 2. Præceptum Decalog. cap. 2. per totum, ubi more suo pulcherrima proxiæ offert. Layman lib. 4. tr. 4. Summistas v. Votum, & alios Doctores passim, cum vix sit, qui votorum materiam non bene examinet. Vide etiam, quæ diximus in Theologia nostra Morali Tr. 6. dist. 3. de Voto.

TITULUS XXXV.

De Statu Monachorum, & Canonicorum Regularium.

SUMMARIUM.

1 De materia hujus Tituli multum non dicitur.

Quando quidem in hoc Titulo plura statuuntur, Monachos, & Canonicos Regulares specialiter concernentia, quæ partim per consuetudinem, partim per privilegia, partim per statuta particularia fuere immutata, multa de materia hujus Tituli dicere non expedit; præsertim cum ea, quæ de Jure communi adhuc vigent, in Tit. de Regularibus, jam fuerint examinata, ubi etiam de quidditate Status Regularium ut sic, & Monachorum, atque Canonicorum Regularium egimus, naturam eorum, & differentias inter eosdem declarando. Hinc aliqua tantum, quæ ibi desiderantur, hic afferentur, præcipuè de peculio Religiosorum & Clausura eorum utpote de quo specialiter c. 2. 4. & 6. h. i. agitur.

§. I.

De Peculio, & Paupertate Religiosorum.

SUMMARIUM.

- 2 Peculium Regularium dupliciter sumitur.
- 3 Propriè tale Religiosi in privato habere non possunt.
- 4 Bonè tamen impropriè tale cum licentia Superioris.
- 5 Si sint deputati Officialis, seu Administratores verum Monasterii, secus non, usque ad n. 16.
- 6 Redditiis annui immobilia reputantur.
- 7 Usufructuarius est dominus fructuum.
- 12 Decreta Apostolica non recepta, an, & quantum obligent.
- 15 Communitas in Monasteriis ubi non servatur Regularis disciplina desinit.
- 16 Contra paupertatem peccat etiam ille, qui de licentia Superioris retinet superflua, vel superflue expendit.
- 17 Proprietarius tamen non est.
- 18 In dubio, an quid superfluum, vel incon-

- niens sit, sicut judicio Superioris.
- 19 Qui sine licentia Superioris aliquid accipit, retinet, vel expendit, peccat contra paupertatem.
- 20 An, & quando sufficiat licentia præsumpta?
- 21 Proprietarii pena. Et num. seq.
- 23 Quid Juris de Legatis sacris Religiosis hæc condicione, ut ad eum, & non Monasterium pertineat? usque ad num. 26.

Ueritur I. An, & quomodo prohibitum sit, vel concessum Monachis, & aliis Religiosis habere peculium, vel proprium? Ante Responsionem notandum Peculium ad propositum esse propriè, aliud impropriè tale. Per Peculium propriè tale intelligitur Patrimonium, vel bona propria alicujus, de quibus tanquam de re sibi propria pro libitu disponere potest habens illud. Per Peculium verò impropriè tale intelliguntur bona quoad administrationem & usum. Ita post Navarrum in Commentar. can. Non dicitur. 12. q. 1. n. 47. Fagnanus c. 2. h. i. n. 2. Pishing eod. n. 5. Hoc notato,

Resp. I. Nullus Religiosus in particulari etiam cum licentia, ac dispensatione Superioris potest habere Peculium, vel proprium striè tale. Omnes patetque passim ex Jure, præsertim ex c. Cum ad Monasterium. h. i. ubi ad finem etiam ratio additur illis verbis: Quia abdicatio proprietatis adeo est annexa Regule Monachali, ut contra eam nec Summus Pontifex possit licentiam indulgere: quamvis ex Monacho possit facere non Monachum, juxta dicta superioribus. Dicitur autem notanter in particulari, quia proprium in communi habere possunt omnes Religiosi exceptis Fratribus Minoribus Regularum ad litteram observantibus, texta expresso Concilii Tridentini Sess. 25. de Regular. cap. 3.

Resp. II. Possunt Religiosi cum licentia Superioris habere Peculium impropriè tale, seu administrationem Peculii, seu bonorum pro bono & utilitate Monasterii: siye, quod idem est, possunt Religiosi à Superioribus desuper constituti Officialis & Administratores Peculii, seu bonorum Monasterii pro utilitate ejusdem, ita tamen, ut ad nutum sint amovibiles. Kursus Unanimis claris Juribus c. 2. §. Quid verò. h. i. & Concilii Tridentini lo. cit. cap. 2. ibi: Administratio autem bonorum Monasteriorum seu Conventuum ad solos Officialis eorumdem ad nutum Superiorum amovibiles pertinet.

Resp. III. Nullus Religiosus (nisi sit Officialis, seu Administrator bonorum Monasterii pro utilitate ejusdem) etiam de licentia Superioris potest habere Peculium immobile, seu Administrationem bonorum immobilium, nec annuos redditus, seu provisiones annuas, etiam si non sint superflui, & revocabiliter concedantur, expendendi interim in usus honestos & licitos pro utilitate vel necessitate, v. g. ipsius Religiosi. Ita latissime ac solidissime Fagnanus inc. 2. h. i. & ibi Hostiensis, Joan. Andreas v. Nisi ab Abbate. Anchoran. n. 2. Felinus in c. Cum M. de Constit. & plures citati à Fagnano lo. cit. ubi ad finem recapitulando dicta, tenorem Conclusionis ponit, ac novissime Hyacinth. Donatus Tom. 4. tr. 13. q. 10. ubi plures alios citat. Est autem contra Navarrum de Statu Monach. consil. 14. Roderiquez tom. 2. p. 125. a. 4. & tom. 3. q. 29. a. 10. Sanchez lib. 7. Mor. cap. 22. n. 11. Probatur conclusio ex cit. 2. h. i. ubi Religiosus omne prohibetur Peculium nisi ab Abbate fuerit eis, NB. pro injuncta administratione permissum. Ubi notanda verba, nisi eis pro injuncta administratione fuerit permissum; per hæc siquidem verba innuitur, solis illis licitum esse Peculium improprium, quia circa temporalia administrationis Officium habent, quales sunt Cellarii, Elemosynarii, Granarii, Vestitarii,

§. I. De Peculio, & Paupertate Religiosorum.

vestitarii &c. non item alii temporalium administrationis Officium non habentes; est circa spiritualia sint Officialis, uti bene notant Doctores citati.

6 Probatur Conclusio ulterius ex Concilio Trident. Sess. 25. de Regular. cap. 2. ubi pro Conclusionis statuitur: Non liceat deinceps Superioribus bonis stabilibus alicui Regulari concedere etiam ad usufructum, vel usum, administrationem, aut commendam. Administratio autem bonorum, Monasteriorum, seu Conventuum ad solos Officialis eorumdem ad nutum Superiorum amovibiles pertinet. Ex quibus verbis planè evidenter apparet, quòd etiam de licentia Superioris nullus præter Officialis, bonorum immobilium administrationem, vel usufructum eorum habere possit; ibi: Non liceat Superioribus concedere: & ad solos Officialis pertinet. Item est de redditibus & provisionibus annuis: eò quòd redditiis annui inter mobilia censatur à Jure, ut dicitur Clem. 1. §. Cumque annui. de V. 3.

7 Nec dicas cum Navarro, & aliis per Concilium Tridentinum tantum prohiberi, ne Superiores Peculium late sumptum aliis præter Officialis concedant sine causa rationabili, vel ad usus profanos, aut illicitos, aut irrevocabiliter; non item prohiberi, quòd eisdem concedant ex causa rationabili ad usus licitos, pro veris necessitatibus ipsius Regularibus v. g. Nam contra est: tum quia Concilium indistinctè loquitur, consequenter indistinctè intelligi debet, cum ubi Jus non distinguit, nec non distinguere debeamus, pro vulgaria: tum quia gratis tantum, & absque ullo fundamento ad improprium sensum interpretari videtur Advertiserii textum Concilii. Nec enim valet, quòd Navarrus adducit, videlicet, ut Concilium Tridentinum concordetur cum Concilio Lateranensi relato cit. c. 2. h. i. quia tria ex num. 5. patet, & ad longum demonstrat Fagnanus lo. cit. Concilium Lateranense cit. c. 2. h. i. relatum, non id, quòd Advertiserii, sed quòd Conclusio nostra dicit, asserit. Tum quia ex hac interpretatione sequeretur, quòd Officialis possent bona Monasterii ad usus superfluos, vel illicitos applicare, cum Concilium lo. cit. Officialibus concedat, quòd cæteris negat: ergo si cæteris solum negat administrationem bonorum ad usus illicitos, aut superfluos, hæc Officialibus concedit; nam exceptio unius firmat Regulam in aliis, arg. c. Nonne. 5. de Præsumpt.

8 Tum etiam quia contrarium novissime statutum habetur à Clemente VIII. in Constitutione. Nullus omnino, quæ est in Bullario Cherub. 9. dicti Pontificis, & ab Urbano VIII. in sua Constitutione 23. Tom. 4. apud Cherub. in qua de novo renovatur Constitutio Clementis VIII. ubi inter alia §. 3. ita habetur: Neque Superioribus, quicunque illi sint, ullo pacto liceat (NB. ullo pacto) fratribus, aut eorum alicui bona stabilia, etiam ad usufructum, vel usum, administrationem, aut commendam, etiam de p. sui aut custodia nomine concedere; & infra: Nulla quæcumque Superioribus dispensatio, nulla licentia (NB. nulla, nullus; ergo neque ex justa causa ad usus licitos) frates excusare possit, quo minus cupæ & penæ &c. obnoxii sint; etiam si NB. Superiores assenserint: h. j. modis dispensationes, aut licentias concedere possit, quibus in ea re fidem adhiberi, minime volumus.

9 Probatur Conclusio etiam ratione: videlicet, quia Regularis non Officialis habens administrationem bonorum immobilium, aut reddituum annuorum pro suo, aut aliorum usu licito, tenetur habere verum jus utendi & fruendi, verumque usufructum, L. 1. ff. de Usufruct. & Quænam modum, est, quæ usufructuarius item quilibet; aut utarius autem est dominus fructuum, l. Arboribus. ff. eod. ratione cujus Regularis sequè incapax est

usufructus ac proprietatis, Clem. Exivi. de V. 3. §. Proinde Fagnanus lo. cit. n. 31. & n. 42. Secus est in Officiali ad ministratore; quia hic est administrator in utilitatem Monasterii duntaxat, nec potest de fructibus illius dispensare, nisi in utilitatem ejusdem, cui omnia acquirit, & lucratur, & cui omnia sua opera debita, utpote cui fe cum omnibus suis per Professionem tradidit, arg. c. In præsentia. de Probat. cum Concordantiis.

10 Probatur denique pluribus Declarationibus Cardinalium S. Concilii Interpretum editis contra Advertiserios pro nostra Conclusionis, quas vide apud Fagnanum lo. cit. Donatum lo. cit. Quaranta §. Casus reservatus.

11 Inferunt: Omnes sequentes modos de Jure peccaminosos esse, & contrarios paupertati. I. Si Novitius, vel Novitia in actu renuntiationis bonorum, vel in actu Professionis reservet sibi annuos redditus, seu annuam pensionem pro suis Religiosis necessitatibus, etiam si cum licentia Superiorum id fiat.

12 II. Si parentes, vel consanguinei alicujus Religiosi, titulo institutionis aut legati reliquant Monasterio bona immobilia, aut annuos redditus eà condicione, ut administrationem dictorum eorum annuorum, aut bonorum immobilium ex toto, vel ex parte relinquunt certo Religioso, ut hic eos possit convertere in suos usus, aut necessitates. Idem est, si Religiosus ex pecuniis lectione, prædicatione, donatione, aut alio modo acquisitis similes census annuos pro suis necessitatibus vel à secularibus, vel à Monasterio comparet, dando eidem acquisitas pecunias hæc condicione, ut singulis annis sibi aliquid certum detur pro parandis necessitatibus. Ita siquidem in casibus specificis declaravit sæpè Sacra Congregatio, ut videre est apud citatum Fagnanum n. 1. & n. 61.

13 Eodem loco n. 63. idem Fagnanus refert ad propositum & aliam Declarationem illis verbis: Cum Archiepiscopus Urbini revulisset S. Congregationi, se non potuisse adducere Moniales cujusdam Monasterii ad suscipiendam ex-actum vitam communem; adeoque illis proposuisse, ut fieret communis arca, cujus clavus penes Abbatissam existeret, & intus opiantur tot jerniola, quot essent Moniales, ita ut unaquaque haberet clavulam jerniola sui, & in ea asservaret pecuniam ex laborio, vel aliunde partam, qua in ipsius tantum, & non in alterius necessitates erogari deberet arbitrio Abbatissæ S. Congregatio hoc temperamentum iudicium existimavit. & repugnans c. 2. h. i. quòd jubet, ut omnia Superiori tradantur, & Conventui incorporentur; adeoque mandavit Archiepiscopo, ut quandiu Moniales communem vitam non susciperent, interdiceret illis receptionem puellarum ad habitum, & Professionem.

14 Nec dicas Decretum Trident. sicut & reliqua Decreta Pontificia allegata in tanto rigore non fuisse ut recepta, vel cerè consuetudine in contrariâ in plurimis Monasteriis præsertim Monialium abrogata. Nam contra est, quòd non receptio Decretorum Apostolicorum, & consuetudo illis contraria minime efficiant, quin adhuc obligent, nisi per tempus quadraginta annorum cum scientia & patientia Papæ fuerit contrariata, uti vult Fagnanus lo. cit. n. 75. & late demonstrat in Tit. de Trevig. & Pace. n. 31. vel saltem per decem annos, prout cum aliis docuitur Lib. 1. Tit. 4. de Consuetud. n. 105. & 106. Ex quo inferunt alii, ut Pishing h. i. n. 6. in illis solum Monasteriis sententiam Navarræ, & aliorum subsistere, in quibus debito tempore viget consuetudo, quòd videlicet Regulares etiam non Officialis de licentia Superiorum ex justa, & rationabili causa habeant administrationem bonorum immobilium, vel certos











